

ԱՆՆԱ ԿԻՐԱԿՈՍՅԱՆ

ՍԵԼՋՈՒԿ ԹՈՒՐԷՏԻՐԻ ՍՈՒՏՔԸ ՊԱՏՄԱԿԱՆ ԱՍՊԱՐԵՋ

Միջնադարյան Ասիայի պատմագրության մեջ կարևոր տեղ է գրավում սելջուկների էթնոքաղաքական միավորման ծագման հարցը: Տարբեր տեսակետներ գոյություն ունեն այս հարցի վերաբերյալ: Ամենահիմնավորվածը այն կոնցեպցիան է, որի համաձայն սելջուկների ցեղային միավորումը կազմավորվել է 10-րդ դարում Սիրդարյայի միջին հոսանքի և Կարակիտայի նախալեռնային շրջանների թյուրքալեզու բնակչությունից: Այս խմբավորման հիմքը կազմում են օղուզ-թուրքմենները, որոնք քոչվոր և կիսաքոչվոր կյանք էին վարում: Հետագայում նրանց կազմը համալրվում է քոչվոր օղուզների և այլ ցեղերի հաշվին, որոնք ապրում էին Սիրդարյայի ներքին հոսանքում և Մավարանահրի ու Խորեզմի հյուսիսարևմտյան շրջաններում¹: 10-11-րդ դարերում օղուզները բաժանվեցին մի քանի խմբերի և բազմաթիվ տոհմերի: Պատմելով նրանց մասին՝ Մահմուդ Կաշգարին հիշատակում է հետևյալ ցեղանունները՝ կինիկ, բայանդուր, իվա, սալուր, աֆշար, բեկթիլի, բուկդուզ, ուրեգիր, բայթա, յազգիր, իմուր, կարա-բուլակ, ալկա-բուլակ, իզդիր, թութիրկա, ալա-յոնդուլուզ, թյուգեր, ջերնի, բաջանա, դվուվալդար և ջարուկլուզ: Նրա տվյալների համաձայն՝ օղուզները սկզբում 24 ցեղեր էին, բայց ավելի ուշ շրջանի հեղինակները, մասնավորապես Ալ-Մարվազին, հիշատակում է միայն 12 ցեղերի մասին: Սղբյուրների տարբերությունը, զուգե, բացատրվում էր նրանով, որ ցեղերը բաժանված էին երկու մասի՝ բուզուկ և ուլուկ, որոնք համապատասխանաբար կազմում էին նրանց բանակի աջ և ձախ թևերը: Նրանցից յուրաքանչյուրը բաղկացած էր 12 ցեղից, որոնք իրենց հերթին բաժանվում էին տոհմերի: Համաձայն օղուզական աղբյուրների՝ բուզուկները կոչվում էին «ավագներ», իսկ ուլուկները՝ «կրտսերներ»:

Սկզբում «օղուզ» անվանումը օգտագործվում էր թյուրքալեզու ծագում ունեցող տարբեր խմբավորումների, հատկապես քոչվորների համար, որոնք կոմպակտ ձևով ապրում էին Սերժկասայան շրջանում, Սիրդարիայի ներքին

¹ Агаджанов С. Г. Этническая история огузов Средней Азии и Казахстана, 1980, 79

² Агаджанов С. Г. Государство сельджукидов в Средней Азии в XI-XII вв. М., Наука, 1991, 4-7

հոսանքում և Արալյան շրջանում: 11-12-րդ դարերում նրանք տարածվում են ժամանակակից Ղազախստանի և Միջին Ասիայի տարածքներում: Նրանց առաջխաղացումը օղուզների ուժեղ պետական կազմավորում ստեղծելու հետևանք էր, որի քաղաքական կետրոնը Յանգիկենտն էր Սիրդարյայի Արալյան ծով թափվելու տեղում: Օղուզների դաշինքը կազմվում է եկվոր և բնիկ տարրերից, սակայն այդ պրոցեսում կարևոր դեր էին կատարում քյուրքական ցեղերը:

11-րդ դարում օղուզները ստիպվում են նահանջելու կանգարա-բաջանայան և մի քանի ուզոռ-ֆիննական ցեղերի և զբաղեցնում Մերծսիրդարյան տափաստանները, հարավային մերծարալյան և հյուսիս մերծկասայան շրջանները: 200 տարի այս տարածաշրջանում քաղաքական տիտանությունը այս ցեղերի ձեռքին էր, որոնք կրում էին «յաբղու» տիտղոսը: Սակայն սիրդարյան օղուզների տերությունը 1054-1055թ. տապալվում է այն ցեղերի կողմից, որոնք մտել էին կիպչակների միավորման մեջ: Օղուզների մի հատվածը գնում է դեպի հարավային Ուկրաինայի տափաստաններ, Բալկանյան թերակղզի, Խորեզմի օազիս, Միջագետք և Խորասան: Մյուս մասը, որոնք կիսաքոչվոր և նստակյաց խմբերն էին, ժամանակի ընթացքում ծուլվում են հաղթողների հետ և համախմբվում Ղաշթի-կիպչակի ցեղի շուրջը: Այս ժամանակաշրջանից «օղուզ» տերմինը անհետանում է Միջին Ասիայի և Ղազախստանի պատմության էջերից: 10-րդ դարի վերջին և 11-րդ դարի սկզբին «օղուզ» հին եթնոանվանման փոխարեն օգտագործվում է «թուրքմեն» անունը: Սկզբում այսպես էին անվանվում օղուզների միայն մի մասը և քյուրքական մյուս ցեղերը, հատկապես կարլուկները և խալաջները: Նրանք զբաղեցնում էին Սիրդարյայի միջին հոսանքի ավազանը և «7 գետերի միախառնման վայրի» արևմտյան շրջանը: Ալ-Բիրունիի խոսքերով այս շրջանի շատ քաղաքներ 10-րդ դարի վերջին և 11-րդ դարի առաջին եռամսյակում անվանվում էին «թուրքմենական»: Ակնհայտ է, որ թուրքմեններ էին անվանվում նաև այն խմբերը, որոնք իսլամ էին ընդունել և ծուլվել օազիսների հողագործ բնակչության հետ: «Թուրքմեն» տերմինը ավելի հավաքական իմաստ է ձեռք բերում 10-11-րդ դարերի սահմանագծին, այն ժամանակ, երբ սկսվում են սելջուկների արշավանքները դեպի Միջին Արևելք և Յուսիսային Խորասան: Ավելի շուտ, դա քաղաքական, էթնիկական, սոցիալական և այլ դեռ չբացահայտված մի շարք գործոնների արդյունք էր³:

³ Кочин К.А., Мусульманские мир 9-11 вв. Кочевники и оседлые в средневековом мусульманском мире. СПб., 2017.

Հայտնի է, որ 10-րդ դարի կեսերին օղուզ-թուրքմենական ցեղախմբերի մեջ տեղի է ունեցել բախում Սիրդարյայի միջին հոսանքում։ Դրա հիմնական պատճառը մերձսիրդարյան տափաստանների արոտավայրերին և հողերին տիրանալու ցնկությունն էր։ Այսպիսի համգամանքներում առաջանում է սելջուկների տոհմը, որը ծագում էր կինիկ ցեղից։ Կասկած չկա, որ այս անունը ծագում է Սելջուկի անունից, որն ապրել է 10-րդ դարի առաջին եռամսյակում⁴։ 12-րդ դարի պատմիչ Ջահիր աղ Դին Նիշապուրին գրում է, որ նրանք հզոր էին, կարող ու անհաշիվ հարստությամբ։ Սելջուկները իրենց իշխանությունը աստիճանաբար տարածում են օղուզների և թուրքմենների մի մասի վրա և 10-րդ դարի վերջին 11-րդ դարի սկզբին նրանց դեմ պատերազմ սկսում։ Հաստատվելով Կարատաուի լանջերին՝ նախկին Ջենդի շրջանում, սելջուկների ցեղային միավորումը պատերազմ է սկսում Յանգիկենտի օղուզների ղեկավարների դեմ։ Սելջուկները, մահմեդականություն ընդունելով, դուրս են գալիս յաղուբների դեմ՝ անհավատների դեմ «սրբազան պատերազմ» (ջիհադ) գաղափարախոսության անվան տակ 1001-1002թթ։ Սակայն ուժերը անհավասար էին և սելջուկները զնում են Սիջին Արևելք, հետո Խորեզմ և Հյուսիսային Խորասան։ Սելջուկների պետության կազմավորումից հետո Տուղրիլ-բեկը և Չոդրի-բեկը ջախջախում են սիրդարյան օղուզ-թուրքմեններին։ Իսլամ ընդունելուց հետո նրանք, բնականաբար, չէին կարող անվանվել իրենց ենթակա օղուզների անունով։ Այս եթնոսի անունը ասոցացվում էր Սիրդարիայի, Մերձարալյան և հյուսիսային մերձկասպյան հեթանոս քոչվորների հետ։ Փաստորեն, օղուզ բառի անհետացմանը նպաստում է նաև այն փաստը, որ սելջուկները աստիճանաբար ծուլվել էին գավթված բնակչությանը⁵։

Պատմագրության մեջ փորձեր են արվում միմյանց հակադրել օղուզների և թուրքմենների կենցաղային կյանքը։ Իհարկե, գոյություն ունեն որոշ տարբերություններ, զուգե թուրքմենների շրջանում նստակյաց և կիսանստակյաց բնակչությունը ավելի է զերակշռում, քան օղուզների մոտ։ Սակայն սուր հակասություն չի կարելի տեսնել։ Օղուզների և թուրքմենների գլխավոր զբաղմունքը անասնապահությունն է։ Վկայություններ կան այն մասին, որ 12-րդ քոչվորների հետ միասին ապրում էր նաև նստակյաց և կիսանստակյաց բնակչություն։ Ալ-Իդրիսին, խոսելով թուրքերի մասին, ասում է. «Նրանք քոչվոր էին, բայց զբաղվում էին նաև հողագործությամբ»։ Հողագործական տնտեսությունները աղքատ էին, հազիվ էին բավարարում իրենց կարիքները։ Աղբյուրներում տվյալներ չկան

⁴ Տիգրան Գոյումջյան, Սիթթար Սենցին Դագնևիների և սելջուկների մասին, Էրաբեր հասարակական գիտությունների եր. 1972, № 4, 27-84

⁵ Атаджанов С.Т. Очерки истории огузов с IX по XIII вв. Ашхабад, 1969, 67:

այն մասին, թե ինչ հողագործական մթերքներ էին վաճառում կամ փոխանակում, և հակառակը, խոսվում է արծաթի տեղափոխման մասին, հատկապես Յանգիկենտ քաղաքում: Փաստորեն, ուսումնասիրվող ժամանակաշրջանում օղուգները և թուրքմենները միայն քոչվոր անասնապահներ չէին⁶:

10-11-րդ դարերում օղուգ-թուրքմենական միավորումը գտնվում էր զարգացման վաղ ֆեոդալական փուլում: Վերնախավը կազմում էին յաբղուները, բայրուները, խաները: Այս ցեղամիավորման շրջանում առաջացավ մահմեդական շերտավորում: Սիրդարյայի ներքին հոսանքի և Մերծարայան օղուգների հիմնական զանգվածները շարունակում էին հեթանոսական մնալ: Իսլամը ավելի լայն տարածում գտավ Սիրդարյայի միջին հոսանքներում:

Բազմաթիվ վկայություններ կան այն մասին, որ 10-11-րդ դարերում օղուգ-թուրքմենների շրջանում վաղ ֆեոդալական ինստիտուտները բավականին զարգացած էին: Իհարկե, ֆեոդալական հարաբերությունների զարգացման գործում շատ մեծ նշանակություն է ունեցել Սելջուկներ թուրքերի դինաստիայի կազմավորումը: Սակայն պետք է նշել, որ սելջուկների միավորման մեջ մտնող թյուրքալեզու ցեղերը ունեին իրենց քաղաքական ինստիտուտները և պետական ավանդույթները: Ալ-Իդրիսին մատնանշում է մի շարք տիրույթներ, որոնք ղեկավարում էին օղուգ «թագավորները» (մուլյուքները): Սալիքները ստեղծում էին հատուկ գորքեր, որոնք պետք է պաշտպանեին տիրույթների սահմանները: 9-11-րդ դարերում գոյություն ունեցող օղուգների պետությունը՝ Յանգիկենտ կենտրոնով, մյուս տափաստանային եթնոքաղաքական միավորումների նման միաձուլվ պետություն չէր: Օղուգական պետության գլուխ կանգնած էր գերագույն ղեկավարը, որը կրում էր յաբղու (ջաբղու) տիտղոսը⁷: Յաբղուի իշխանությունը ժառանգական էր, սակայն պաշտոնապես ամրագրված էր, որ այն ընտրովի պաշտոն էր:

Բերված պատմական փաստերը ապացուցում են, որ ուսումնասիրվող ժամանակաշրջանում օղուգները և թուրքմենները հասարակ զավթիչներ չէին: Դրա հետ մեկտեղ չպետք է ուռճացնել նրանց սոցիալ-տնտեսական և քաղաքական կառուցվածքը: Անկասկած, օղուգ-թուրքմենական միավորման զարգացման մակարդակը ավելի ցածր էր, քան Սիջին Սսիայի, Իրանի և հյուսիսային Աֆղանստանի օազիսների հողագործ բնակչության զարգացման մակար-

⁶ Cahen Cl, Le Malik - namch et l'histoire des origines Seldjukides, Oriens 1, 1965, 9-22

⁷ Կան նաև հեղինակներ, որոնք պնդում են, որ ղեկավարները կրում էին բայրու տիտղոսը: Այս երկու տիտղոսների ծագումնաբանական կապը հատուկ ուսումնասիրության կարիք ունի: Յաբղուն բացատրական բառարաններում թարգմանվում է բազե: Սի խուսը հետազոտողներ այն համարում են քուշանական, մյուսները՝ թոխարական կամ էլ հին իրանական:

դակը: Սակայն դա չի կարող հիմք հանդիսանալ, որ Սելջուկյան տերության ծագման և կազմավորման մեջ անտեսվի նրանց դերը:

10-րդ դարի վերջին Միջին Ասիան գրավվել էր թյուրք Կարախանյանների կողմից: Սամանյանների տերությունը, որտեղ առաջացել էին սոցիալական հակասություններ, թուլացել էր գավթիչների հարվածներից, բայց Միջին Ասիայի համար կոիվները դադարում են միայն 11-րդ դարում: Այս թեժ իրադարձություններին մասնակցում էին նաև օղուզ-թուրքմենները Սելջուկի և նրա որդի Իսմայելի գլխավորությամբ: Սելջուկը Բուխարա է ուղարկում բանակ Իսմայելի գլխավորությամբ, որ օգնի Սամանյան ղեկավար Նուհա իբն Մանսուրին: Շնորհիվ նրանց Սամանյաններին հաջողվում է վերադարձնել իրենց պետության մայրաքաղաքը: 1003թ.-ին վերջին Սամանյան Աբու Իբրահիմ Մունթասիրը օղուզների օգնությամբ Սամարղանդի մոտ պարտության է մատնում Կարախանյանների բանակին: Չնայած դրան՝ նա չուտով մահանջում է Ամուդարյայից այն կողմ և փախչում Մերվ: Հաջորդ տարվա գարնանը նա կրկին հայտնվում է Միջին Արևելքում, բայց նորից հետ է մղվում: Սելջուկների վրա հենվելով՝ Մունթասիրը Բուրնամադ գյուղի մոտ պարտության է մատնում Կարախանյան իշխանին: Սակայն կարճ ժամանակ անց Մունթասիրի բանակը ջախջախվում է, իսկ նա չուտով մահանում Ամուդարյայի մոտ: Թուրք Կարախանյանների կողմից Միջին Արևելքի գրավումը սելջուկներին վատ իրադրության մեջ է դրում: Կարախանյանների արշավանքները ուղեկցվում էին Կաշգարից քոչվոր հորդաների արտահոսքով: Նրանց մեջ կարևոր դեր էին կատարում կարլուկները, յադմաները և չիդիլիները, որոնք տիրում էին Ամուդարյայի և Սիրդարյայի հոսանքների լավագույն արոտավայրերին: Թյուրք կարախանյանները իրենց են հնազանդեցնում ոչ միայն օազիսների, այլ նաև տափաստանային թյուրքալեզու ցեղերին:

11-րդ դարի սկզբին Կարախանյաններից կախման մեջ են ընկնում Չարավշանի և Նուբարխուստական լեռների սելջուկները: Միջնադարյան հեղինակները կոնկրետ ժամանակ չեն նշում, թե երբ նրանք անցել են Միջին Ասիայի խաների տիրապետության տակ: Ալնհայտ է, որ նրանք միանգամից չեն ենթարկվել Կարախանյաններին և 999թ.-ին Նասր իբն Ալիի կողմից Բուխարան գրավելուց հետո երկար ժամանակ անկախ են մնացել: Սելջուկները այդ ժամանակ երկու անկախ խումբ էին կազմում: Նրանցից մեկը գլխավորում էր Իսրայել Իբն Սելջուկը, մյուսը՝ Մուսա (Մովսես)-բայդուն, Դավուդ Չոդրի-բեկը և Մուհամմադ Տուդրիլ-բեկը:

11-րդ դարի սկզբին հենվելով Իսրայելի վրա՝ Ալի-Թեդին Կարախանյանը գրավում է Բուխարան: Միջայելի որդիները սկզբում պատերազմում էին

նրանց դեմ, իսկ հետո մտերմանում Ալի-Թեղիին հետ: Ղա տեղի է ունենում այն ժամանակ, երբ Իսրայել իբն Սելջուկը ձերբակալվում է Մահմուդ Ղազնևիի կողմից և արսորվում Զնդկաստան: 1018թ.-ին Ղազնևիների բանակը, հարձակվելով Ալի-Թեղիին տիրությունների վրա, ջախջախում է քոչվոր սելջուկներին Բուխարայի շրջակայքում և ցրում նրանց Միջին Ասիայի ու Խորասանի տարածքով: Իսրայելին հպատակ օղուզ-թուրքական հորդանքներից մեկը Մահմուդ Ղազնևիի կողմից ուղարկվում է Սերախսի, Աբիվերդի և Ֆերավի շրջակայք՝ նախկին Թուրքմենստանի տարածք: Մահմուդը նրանց պարտադրում է ծառայել բանակում, հարկեր վճարել հողերի և արտավայրերի համար, որոնք նրանց տրվել էին Խարասանում: Սակայն Ղազնևի պաշտոնյաները հարկերը հավաքելիս այնպիսի ճնշման էին ենթարկում նոր հպատակներին, որ նրանք չհամբերելով 1027թ.-ին ապստամբություն են բարձրացնում: Մահմուդը Արսլան Ջազիբի գլխավորությամբ զորք է ուղարկում ապստամբությունը ճնշելու համար: Կռվի ընթացքում Յաղուբը, Բուկը, Ղզըլը և Կոկտաշը պարտություն են կրում և փախչում Ղեհիստանի և Բալխանական սարեր: Այս պարտությունից հետո սելջուկների մի մասը գնում է Սպահան և Զերման, մնացած մասը, որի մեջ մեծ դեր էր կատարում Յաղուբը, քաքնվում է Սերձբալխանյան տափաստաններում:

Նկարագրված իրադարձությունների արդյունքում սելջուկների ցեղային միավորումը 11-րդ դարի առաջին եռամսյակում բաժանվում է մի քանի խմբերի: Նրանցից առաջինը՝ Մուսայի, Ղավուդի և Մուհամմադի գլխավորությամբ, մնում է Միջին Ասիայում: Աբուլ Ֆազլ-Բայխակիի պատմելով՝ Նուրատական սարերից քոչեցում են Անդարգազ՝ Խորեզմի սահմանների մոտ: Երկրորդ խումբը հայտնվում է Բալխանական սարի շրջանում, Սերձկասայան արևմուտքում և Գյուսիսային Խորասանում: Երրորդ խումբը տեղափոխվում է Գորգանի, Ուեյի, Սպահանի շրջաններ՝ Իրանի Խյուսիս-արևմուտքում: Գետագայում նրանք կոչվեցին «իրաքյան թուրքմեններ» հավաքական անունով⁸:

11-րդ դարի կեսին առաջացած սելջուկների պետությունը նկատելի հետք է թողել համաշխարհային պատմության մեջ: Այն կազմավորվել է օղուզ և թուրքմեն զանվածների ու Ղազնևիների միջև դաժան պայքարում Գյուսիսային Խորասանում: Սելջուկների տերությունը իր զարգացման շրջանում ներառում էր ամբողջ Միջին Ասիան, Իրանը, Աֆղանստանի, Սնդրկովկասի, Առաջավոր և Փոքր Ասիայի մի մասը: Ինչ-որ ժամանակ հզոր այս պետության գոյության շրջանը բնութագրվում է մահմեդական երկրների ժողովուրդների նյութական և

⁸ Кутли Кал., Мусульманские мир 950-1150 гг., Кочевники и оседлые в средневековом мусульманском мире: 1981г., 2

հոգևոր մշակույթում տեղի ունեցած քաղաքական և սոցիալ-տնտեսական նկատելի փոփոխություններով⁹։ Սելջուկներին հպատակ շրջաններում տեղի է ունենում ֆեոդալական հարաբերությունների հետագա զարգացումը։ Այս ժամանակաշրջանը բնութագրվում է ուրբանիզացիայի, տնտեսության և գյուղատնտեսական արտադրության, դրամաշրջանառության, առևտրի բնագավառներում տեղի ունեցող բարդ և բազմակողմանի պրոցեսներով։ Սելջուկների հսկայական տերության կազմավորումը իր հետքն է թողել Արևելքի երկրների էթնոմշակութային պրոցեսների վրա¹⁰։ 11-12-րդ դարերում զավթողական արշավանքներին ակտիվորեն մասնակցող թյուրքալեզու քոչվորները «թափվում են» Իրան, Անդրկովկաս, Հյուսիսային Աֆղանստան, Արաբական Իրաք, Փոքր Ասիա, Սիրիա և Պաղեստին։ Համեմատաբար երկար ժամանակ միգրանտները հանդիսանում էին սելջուկների հենարանը։ Դրանք հիմնականում Միջին Ասիայի և Ղազախստանի օղուզ-թուրքմենական տարրերն էին։ Հետագայում նրանք ծուլվում են ինչ-որ չափով տեղական, մեծ մասամբ քոչվոր և կիսաքոչվոր բնակչության հետ։ Սկսվում են բարդ էթնիկական պրոցեսներ, որոնք պատճառ են դառնում, որ Միջին Ասիայի, Իրանի, Սիրիայի տարածքում կազմավորվեն մի շարք թյուրքալեզու միավորումներ։

Փաստորեն, պատմական այս ժամանակահատվածում սելջուկ թուրքերը կայացել էին որպես ինքնուրույն ցեղամիավորում, որի կազմում, ճիշտ է, կային բազմատիվ ցեղեր՝ եվ հենց այս ժամանակ սելջուկները սկսում են իրենց լայնածավալ արշավանքները, որոնց արդյունքում էլ ստեղծվում է սելջուկների հսկայածավալ պետությունը։

⁹ Атаджанов С. Т. Тюркизация сельджукидов в Средней Азии в 11-12 вв. М. Наука, 1991, 144.

¹⁰ Афаркари С. А. Общественно-политические изменения в Иране в XI в. при порках сельджуков. Автореферат кандидат диссертации Тбилиси, 1984, 35.